

## **Regolamënt de revijiun**

La revista *Ladinia* á adoté n sistem cun na revijiun anonima dopla, che ó dí che i revisurs y i auturs ne vëgn nia alsavëi l'un dl ater tratan dōta la prozedōra. Düc i manoscric che vëgn mená ite por gní publicá tla revista *Ladinia* vëgn revijioná aladō dla prozedōra spligada ti paragrafs chiló dessot.

### **Prōma valutaziun**

Le Comité de redaziun fej na prōma valutaziun dl manoscrit. I manoscric che ne toma nia ite tl ciamp y pro i fins dla revista gnará bele atira stluc fora. Chi che toma ite tl ciamp d'interes dla revista vëgn mená inant a dui esperc che fej spo na revijiun.

### **Coche i revisurs vëgn chiris fora**

I revisurs di manoscric vëgn chiris fora aladō de sü ciamps de competënza specifica.

### **Relaziuns di revisurs**

I revisurs á le dovëi da valuté l'originalité dl manoscrit, sc'al vá bun dal punt d'odüda dla metoda, sce i resultat vëgn presentá te na manira tlera y sc'ai sostëgn tla dërta manira les contlujions y sce le scrit contëgn novités assá en confrunt ai laurs bele publicá. I revisurs consiëia le Comité de redaziun che tol spo la dezijiun finala, de azeté o de n'azeté nia l'articul.

### **Dorada dla revijiun**

Le tēmp odü dant por la prozedōra de revijiun depënn dala resposta di revisurs. De regola pó la revijiun doré zirca 4 edemes. Tl caje che les relaziuns di revisurs foss en contrast òna cun l'atra, pó gní damané do la minunga de n terzo revisur.

La dezijiun dl Comité de redaziun ti gnará comunicada al autur adöm cun les postes di revisurs.

I manoscric che ti vëgn indō mená ai auturs vëgn dá zoruch do ch'ai á lauré ite les coreziuns y/o mudaziuns damanades dai revisurs. Pro i articui mëssel gní injunté na spligaziun de coche les postes di revisurs é gnüdes tignides en conscidraziun. I manoscric lauré jö danü ti vëgn spo ciamó n iade mená ai revisurs por na valutaziun nōia. Chësta prozedōra pó gní fata plü iadi, cina ch'al vëgn tut la dezijiun definitiva.

### **Dezijiun definitiva**

N iade ch'an á arjunt n arat definitiv sön n manoscrit, ti vëgnel comuniché al autur la dezijiun definitiva da azeté o da n'azeté nia le manoscrit.